

ADAT DALAM KEHIDUPAN MASYARAKAT
PERPATIH DI JOHOL, NEGERI SEMBILAN

HASNI BINTI HASHIM

LATIHAN ILMIAH INI DIKEMUKAKAN UNTUK
MEMENUHI SEBAHAGIAN DARIPADA SYARAT MEMPEROLEHI
IJAZAH SARJANAMUDA PENGAJIAN ISLAM
DENGAN KEPUJIAN

JABATAN SYARIAH
FAKULTI PENGAJIAN ISLAM
UNIVERSITI KEBANGSAAN MALAYSIA
BANGI SELANGOR

1992/93

TELAH DIFILEMKAN

SM. 1292

UM

PENGAKUAN

"Saya akui karya ini adalah hasil kerja saya sendiri kecuali nukilan-nukilan dan ringkasan-ringkasan yang tiap-tiap satunya telah saya jelaskan sumbernya".

30 April 1993


.....
(HASNI BINTI HASHIM)

PENGHARGAAN

بِسْمِ اللَّهِ الرَّحْمَنِ الرَّحِيمِ

Alhamdulillah Rabbil 'Alamin, segala puji-pujian ke hadrat Allah SubhanaAllahu wa Ta'ala, selawat dan salam ke atas junjungan Besar Nabi Muhammad s.a.w..

Terlebih dahulu, penghargaan ini ditujukan kepada semua tenaga pengajar Fakulti Pengajian Islam terutama dari Jabatan Syaria^Ch yang telah banyak memberikan bimbingan dan ilmu pengetahuan kepada penulis selama tempoh pengajian ini. Jutaan terima kasih kepada mereka dan Insya Allah segala tunjuk ajar serta bimbingan mereka akan menjadi panduan yang amat berguna pada penulis dalam menghadapi masyarakat umum.

Setinggi-tinggi penghargaan khas kepada Prof. Madya Dr. Ismail Mat yang banyak membantu, memberikan teguran dan nasihat serta tidak keberatan, memberikan pendapat juga komen yang membina. Terima kasih tidak terhingga atas kesabarannya dan dorongan yang diberikan dalam menjayakan latihan ilmiah ini.

Teristimewa buat ayahanda dan bonda yang dikasihi, Hashim bin Yusoff dan Hasnah binti Md. Din, terima kasih atas segala pengorbanan, sokongan dan

dorongan yang diberikan selama ini. Insya Allah, segala pengorbanan dan harapan mereka tidak akan dipersia-siakan Kepada adik-adik yang disayangi, Halim, Hisham dan Fazaitul, semoga usaha ini menjadi pendorong kepada mereka.

Tidak ketinggalan juga penghargaan ini ditujukan khas kepada Mak Long, Napsiah binti Md din, ahli keluarga yang lain, teman-teman dan mereka yang terlibat sama ada secara langsung atau tidak langsung di dalam membantu penulis baik dari segi idea dan komentar sepanjang menjayakan penulisan ini.

Hanya Allah sahaja yang dapat membalas segala kebaikan dan bakti yang dicurahkan. Semoga Allah memberkati dan merestui segala apa yang kita lakukan selama ini. Amin.

Salam hormat,

Hasni Binti Hashim,
348, Felda Cempaka Jengka Dua,
26400 Bandar Pusat Jengka,
Pahang Darul Makmur

SINOPSIS

Adat merupakan satu gambaran kehidupan bagi sesuatu masyarakat. Dalam perbincangan tentang adat, tumpuan perbincangan diberikan kepada persoalan adat Perpatih di daerah Johol, Negeri Sembilan. Oleh kerana terdapat banyak adat yang diamalkan dalam masyarakat ini maka penekanan diberikan kepada adat-istiadat dalam perkahwinan dan beberapa adat lain yang pernah diamalkan suatu masa dahulu oleh masyarakat adat Perpatih di Johol. Dalam analisis ini, pendekatan perbandingan digunakan untuk menunjukkan perbezaan dan penerusan adat lama dalam amalan masyarakat berkenaan. Untuk tujuan ini beberapa amalan dan upacara adat tertentu tentang perkahwinan juga dinyatakan. Ia melibatkan persoalan-persoalan tentang proses pertunangan dan perkahwinan sama ada perkahwinan yang dibolehkan atau sebaliknya. Analisis juga menyentuh tentang adat-adat lain seperti adat mandiri rumah, adat bersawah padi, adat beratib jalan, adat berpuar, adat tekachi dan adat berkedim. Sebelum penutup, perbincangan ditumpukan kepada persoalan kedudukan wanita dalam amalan masyarakat Perpatih dan pandangan umum masyarakat Johol tentang adat Perpatih yang diamalkan menurut penilaian mereka sekarang.

JADUAL KANDUNGAN



	<u>Halaman</u>
HALAMAN JUDUL	
PENGAKUAN	i
PENGHARGAAN	ii
SINOPSIS	iv
KANDUNGAN	v
SISTEM TRANSLITERASI	vii
SENARAI SINGKATAN	xi
PENDAHULUAN	xii
BAB I: LATARBELAKANG TEMPAT KAJIAN	
1.0 Pendahuluan	1
1.1 Asal-Usul Johol Dan Pengaruh Adat Perpatih Di Johol	1
1.2 Kehidupan Masyarakat Perpatih Di Johol	9
1.3 Bentuk-Bentuk Adat Dalam Masyarakat Johol	19
1.4 Penutup	26
BAB II: ADAT PERKAHWINAN	
2.0 Pendahuluan	27
2.1 Adat Perkahwinan Di Johol	27
2.1.1 Merisik Dan Bertunang	28

Halaman

2.2	Berkayu Akar Atau Istiadat Berkampung	36
2.3	Perkahwinan	41
2.4	Perkahwinan Yang Dibolehkan Dan Tidak Dibolehkan	53
2.5	Penutup	63
BAB III: ADAT-ADAT LAIN		
3.0	Pendahuluan	64
3.1	Adat Mandiri Rumah	64
3.2	Adat Bersawah Padi	69
	3.2.1 Adat Beratib Jalan	71
	3.2.2 Adat Berpuar	74
	3.2.3 Adat Tekachi	77
3.3	Adat Berkedim	80
3.4	Penutup	84
BAB IV: MASYARAKAT PERPATIH DI JOHOL		
4.0	Pendahuluan	85
4.1	Keistimewaan Wanita Dalam Adat Perpatih	85
4.2	Pandangan Masyarakat Tentang Adat	92
	4.2.1 Penutup	99
4.3	Kesimpulan	100
BIBLIOGRAFI		112
LAMPIRAN		

Vokal


Vokal Pendek

a i u 

Vokal Panjang

a i u 

Diftong

ay aw 

VOKAL PENDEK

Contoh


Vokal a :



=

fa^cala

Vokal i :



=

fa^cila

Vokal u :



=

fa^cula

Transliterasi

VOKAL PANJANG


Vokal Panjang a



=

fā^cala

Vokal panjang i



=

fā^cil

Vokal panjang u



=

fā^cul

Huruf Arab	Huruf Latin	Contoh Asal	Contoh Transliterasi
د	d	دامير	damīr
ط	t	طالب	talib
ظ	z	ظاهر	zuhr
ع	c	عالم	cālim
غ	gh	غيب	ghayb
ف	f	فقه	fiqh
ق	q	قاضي	qādī
ك	k	كاسي	ka's
ل	l	لبان	laban
م	m	مزمارة	mizmār
ن	n	نية	niyyah
هـ	h	هابطة	habata
و	w	وَبَر	wabar
ي	y	ياسين	yāsīn

SENARAI SINGKATAN

Bhd.	Berhad
Bil.	Bilangan
Cet.	Cetakan
Hlm.	Halaman
Ibid	Di tempat yang sama
PMS	Papers on Malay Subject
Pnys.	Penyusun
t. t.	Tanpa tahun

PENDAHULUAN

1. Permasalahan

Adat memainkan peranan yang penting dalam masyarakat kerana sesebuah masyarakat itu dikenali melalui adat yang diamalkan. Di Johol, amalan adat Perpatih telah lama bertapak melalui usaha pemimpinnya yang berasal dari Minangkabau. Masyarakat ini mengalami beberapa peringkat perubahan kesan dari pengaruh luar seperti animisme dan Hinduisme sebelum adat Perpatih berakar umbi di sana. Perubahan yang amat ketara ialah kemasukan nilai-nilai Islam hasil dari proses Islamisasi di rantau ini.

Dalam amalan anggota masyarakat Perpatih di Johol, terdapat beberapa adat lama yang sebahagiannya telah pupus seperti adat mandiri rumah, adat bersawah padi, adat beratib jalan, adat berpuar, adat tekachi dan adat berkedim. Di samping itu, beberapa upacara tertentu dalam perkahwinan masih diteruskan manakala sebahagian yang lain telah pupus.

Melalui kajian ini penulis cuba memaparkan beberapa bentuk adat yang diamalkan oleh sebahagian dari masyarakat Perpatih di Johol dan sebagai perbandingan cuba membezakannya dengan bentuk-bentuk adat lama yang telah pupus. Adat Perpatih meletakkan wanita

dalam kedudukan yang unik terutama menyentuh soal perwarisan pusaka. Persoalan-persoalan tersebut merupakan persoalan penting yang mendapat perhatian penulis dalam kajian ini.

2. Kajian Masa Lalu

Kajian tentang adat Perpatih memang banyak dilakukan oleh penulis-penulis baik penulis dalam mahupun luar negeri. Namun kajian tentang adat resam yang diamalkan oleh masyarakat Perpatih amat kurang dibukukan. Penulisan tentang adat resam ini walaupun ada mungkin dalam bidang-bidang yang terhad seperti perkahwinan dan sistem perwarisan pusaka, sedangkan adat-adat resam yang lain yang pernah diamalkan suatu ketika dahulu oleh masyarakat Perpatih di Johol hampir tidak ditemui lagi.

Beberapa penulis pernah menulis tentang adat Perpatih, antaranya ialah Abd. Rahman bin Haji Muhammed dalam bukunya, "Dasar-Dasar Adat Perpatih".¹ Dalam tulisannya beliau menulis tentang kehidupan masyarakat Perpatih dan adat perkahwinan secara menyeluruh. Buku "Adat Perpatih Dan Adat-Istiadat Masyarakat Malaysia",²

¹Abd. Rahman bin Haji Muhammed, Dasar-Dasar Adat Perpatih, Kuala Lumpur, Pustaka Antara, 1964).

²Mokhtar bin Haji Md Dom, Adat Perpatih Dan Adat-Istiadat Masyarakat Malaysia, Federal Publication, Kuala Lumpur, 1977

oleh Haji Mokhtar bin Haji Md Dom menceritakan asal-usul adat Perpatih, bentuk-bentuk adat dalam masyarakat tersebut, pertalian antara suku-suku dan sistem perwarisan pusaka kepada perempuan tetapi tidak dijelaskan secara terperinci mengenainya. Nordin Selat dalam bukunya, "Sistem Sosial Adat Perpatih",¹ turut memberikan analisis umum tentang kedudukan wanita dalam sistem perwarisan, perkahwinan yang dibolehkan dan tidak dibolehkan. Begitu juga, Abdullah Siddik dalam bukunya, "Pengantar Undang-Undang Adat",² juga menjelaskan tentang adat Perpatih dan bentuk-bentuk adat yang terdapat di dalamnya secara keseluruhan sahaja tanpa penerangan yang jelas dan terperinci terutama dalam perkahwinan dan kedudukan wanita dalam adat tersebut.

Kebanyakan buku tersebut hanya menyentuh tentang adat dalam perkahwinan atau sistem perwarisan tetapi adat-adat lain terutamanya adat-adat yang lama dan telah pupus tidak lagi mendapat perhatian kebanyakan penulis. Memandangkan kekurangan hasil-hasil penulisan tentang adat lama yang pernah diamalkan dan kini telah pupus, maka penulis telah memilih tajuk di atas dengan tujuan untuk menonjolkan sebahagian daripada adat-adat tersebut terutamanya yang pernah atau termasuk yang masih diamalkan di daerah Johol.

¹ Ismail Hamid, Masyarakat Dan Budaya Melayu, Kuala Lumpur, Dewan Bahasa dan Pustaka, 1988.

² Nordin Selat, Sistem Sosial Adat Perpatih, Kuala Lumpur, Utusan Melayu Berhad, 1976.

3. Method Kajian

Dalam menjayakan penulisan ini, penulis menggunakan method-method kajian berikut:

b. Kajian Perpustakaan

Bagi mengumpulkan maklumat-maklumat mengenai penulisan ini, penulis telah membuat lawatan di beberapa buah perpustakaan seperti perpustakaan Tun Seri Lanang, Universiti Kebangsaan Malaysia. Perpustakaan Institut Bahasa, Kesusasteraan dan Kebudayaan Melayu (IBKKM), UKM, Bilik Sumber Jabatan Antropologi dan Sosiologi UKM, Perpustakaan / Universiti Malaya dan Perpustakaan Pusat Islam Kuala Lumpur. Maklumat didapati melalui buku-buku dan majalah-majalah atau lainnya dijadikan asas dalam penulisan ini.

b) Kajian Lapangan

Memandangkan tajuk latihan ilmiah ini memerlukan kajian khusus di Johor maka penulis telah membuatnya ke beberapa buah kampung di sana seperti Kampung Nuri, Kampung Simat, Kampung Lending, Kampung Tanggai, Kampung Kuala Johor, Kampung Inas, Kampung Air Mawang dan Kampung Sikota untuk menemubual orang-orang tertentu bagi mendapatkan maklumat yang berkaitan.

Pendekatan yang digunakan ialah dengan menemubual golongan tua yang mahir dalam adat-adat Perpatih. Meskipun terdapat beberapa kesulitan tetapi penulis berjaya menemubual dua belas orang tua yang mahir dalam adat berkenaan terutamanya menyentuh tentang adat mandiri rumah, adat bersawah padi, adat beratib jalan, adat berpuar, adat tekachi dan adat berkedim. Maklumat-maklumat yang didapati hasil daripada pertemuan dan temubual ini sesungguhnya amat berguna dalam penyediaan latihan ilmiah ini.

A. Organisasi

Penyusunan penulisan ini seperti berikut:

Dalam bab pertama latihan ilmiah ini menceritakan tentang asal-usul Johol serta sedikit sejarah kemasukan adat Perpatih di Johol. Ia juga menyentuh tentang pengaruh animisme dan Hinduisme sebelum kedatangan adat Perpatih di sana. Juga sejauhmana pengaruh adat Perpatih dalam masyarakat Johol yang menyentuh tentang adat sebenar adat, adat yang teradat, adat yang diadatkan dan adat-istiadat.

Bab kedua pula menerangkan tentang adat perkahwinan dalam masyarakat Johol, bermula dari adat merisik hingga membawa kepada adat-adat perkahwinan. di dalamnya diceritakan tentang upacara-upacara yang

JADUAL TRANSLITERASI

Huruf Arab	Huruf Latin	-Contoh Asal	Contoh Transliterasi
ع	e	سأل	sa'ala
أ	-	أصفياء	asfiyā
ب	b	بدل	.badala
ت	t	تمر	tamr
ث	th	ثقرة	thawrah
ج	j	جمال	jamāl
ح	h	حديث	hadīth
خ	kh	خالد	Khālīd
د	d	ديوان	diwān
ذ	dh	ذالك	dhālika
ر	r	رحمن	rahmān
ز	z	زابور	Zabur
س	s	سبيل	ṣabīl
ش	sh	شمس	shams
ص	s	صبر	ṣabr

DIFTONG

aw	:	قَوْل	=	qawl
ay	:	سَيْف	=	sayf
iy	:	رَجِي	=	raj ^c iyy atau raj ^c i
uww	:	عَدُو	=	^c aduww atau ^c adūw

TA' MARBUTAH

contoh	:	شَرِيعة	=	shari ^c at
	:	كِتَابَة	=	kitābat

Huruf Arab	Huruf Latin	Contoh Asal	Transliterasi
و	aw	قَوْل	qawl
ي	ay	سَيْف	sayf
ي	iyy	رَجِي	raj ^c iyy atau raj ^c i (di akhir)
و	uww	عَدُو	^c aduww atau ^c adū (di akhir)

diamalkan oleh masyarakat tradisi dan ada di antara adat serta upacara itu tidak lagi menjadi amalan masyarakat sekarang dengan melihat pada perubahan zaman dan kepentingannya masa kini. Bab ini juga membincangkan tentang perkahwinan yang dibolehkan dan tidak dibolehkan mengikut adat Perpatih dengan penekanan diberikan pada larangan-larangan yang terdapat dalam perkahwinan seperti yang ditentukan oleh adat.

Selain adat perkahwinan, adat-adat lain juga ada dibincangkan dalam bab ketiga. Disebabkan banyak adat yang diamalkan oleh masyarakat ini dan agak mustahil dibincangkan semuanya, maka penulisan ini lebih tertumpu pada adat mendiri rumah, adat bersawah padi, adat beratib jalan, adat berpuar, adat tekachi dan adat berkedim. Di dalam adat-adat tersebut diterangkan bagaimana upacara-upacara dijalankan dan diterima pakai oleh masyarakat dahulu.

Melalui bab keempat pula, penulis membicarakan tentang keistimewaan wanita dalam masyarakat Perpatih di Johol dan alasan-alasan mengapa mereka diberi keistimewaan oleh adat dalam sistem perwarisan. Selain itu, dibincangkan tentang penilaian umum masyarakat Johol tentang adat perpatih yang menjadi amalan mereka selama ini.

Akhir sekali dalam kesimpulan, rumusan mengenai penulisan ini dibuat secara umum bermula dari asal-usul adat Perpatih di Johol hinggalah kepada pengaruhnya ke dalam kehidupan masyarakat Johol yang berkaitan dengan adat-adat tertentu dalam perkahwinan, adat-adat lain yang pernah diamalkan dahulu dan termasuk juga status wanita dalam sistem perwarisan adat Perpatih.

BAB IV

4.0 Pendahuluan

Bab ini menceritakan tentang keistimewaan wanita Perpatih di Johol mengikut penilaian adat Perpatih. Selain itu, bab ini juga menyentuh tentang tinjauan umum mengenai pendapat masyarakat Johol tentang adat-adat Perpatih yang pernah diamalkan dahulu dan sebahagiannya masih lagi diamalkan sekarang seperti adat-adat dalam perkahwinan dan pertunangan mengikut penilaian mereka sekarang. Akhir sekali bab ini menyentuh tentang kesimpulan secara keseluruhan mengenai tajuk latihan ilmiah ini.

4.1 Keistimewaan Wanita Dalam Adat Perpatih

Seperkara mengenai adat Perpatih yang tidak akan berubah sejak dulu dan amat dipegang teguh oleh masyarakatnya ialah adat mementingkan golongan wanita dalam suku. Adat memberi mereka hak yang tinggi dibanding lelaki dalam sistem perwarisan harta pusaka dan kedudukan mereka ini tidak boleh dicabar hingga sekarang.

Bermula dari sistem matrilineal yang diamalkan yang memberi hak kepentingan mengikut nasab ibu maka adat

Perpatih berkembang dan menjadi suatu sistem adat yang tersendiri. Satu hal yang membezakan adat Perpatih dengan adat-adat lain dengan menunjukkan jurang yang luas antara mereka ialah sistem perwarisan harta pusaka yang mana menurut adatnya perempuan lebih berhak dari lelaki dan hak ini tidak boleh diganggu-gugat sejak dulu.

Kata adat:

Anak perempuan mendapat saka,¹
 Anak lelaki mendapat soko,²

Mereka memberi keutamaan pada perempuan disebabkan oleh faktor alam semulajadi bahawa perempuan itu lemah dan mereka patut dibela serta dilindungi. Oleh itu mereka patut menerima bahagian yang ditetapkan sebagai jaminan kepada penghidupan yang lebih selesa. Mengikut adatnya, lelaki bekerja mencari nafkah sementara perempuan hanya sebagai pembantu keluarga. Oleh itu, jika berlaku perceraian maka harta tersebut sebagai jaminan kepadanya bahawa kehidupannya masih terurus walaupun hidup sendirian.

Manakala bagi pihak lelaki pula, ia boleh mencari rezekinya sendiri disebabkan faktor fizikal dan perlu

¹Saka ialah pusaka suku iaitu terletak sifatnya seperti tanah dan rumah. Ia diserahkan pada perempuan yang berhak menuntutnya mengikut pertimbangan suku.

²Soko ialah sesuatu yang bergelar atau pusaka mulut diberikan kepada lelaki yang berstatus Lembaga, Buapak, Kedim atau Ketua Adat untuk menguruskan harta kepada sesiapa yang berhak menuntutnya mengikut pertimbangan suku.

diingat, mengikut adatnya selepas berlaku perceraian pihak lelaki tidak keluar rumah sehelai sepinggang, apa yang menjadi hak mereka atau harta sepencarian tetap dibahagikan bersama, cuma mereka tidak boleh memiliki harta yang menjadi milik isteri sejak dulu. Mungkin disebabkan mahu memelihara kepentingan kaum perempuan maka mereka menetapkan mana-mana lelaki yang berkahwin dengan perempuan Negeri Sembilan amat digalakkan tinggal di tanah milik isteri. Di sini walaupun lelaki tersebut dianggap sebagai menumpang namun mereka boleh menjalankan aktiviti dengan bebas di atas tanah tersebut kecuali menjualkannya.

Adat Perpatih menganggap perempuan sebagai bunga kandung iaitu ibu yang melahirkan keturunan atau mereka yang akan mewarisi pusaka, di tangan mereka anak-anak akan membesar mengikut didikan yang diberikan, Kata adat:

Kalau kurik induknya,
rintik anaknya.

Oleh itu, jika mereka ada jaminan hidup seperti tanah pusaka maka ia boleh dijadikan sebagai sumber ekonomi dengan mengusahakan tanah tersebut seperti bercucuk tanam, bersawah dan sebagainya. Kedudukan mereka tetap terpelihara, walaupun hidup sendirian namun ia bukan bermakna perempuan mempunyai kuasa dan status yang lebih tinggi dari lelaki kerana dalam perkahwinan

mereka tetap menghormati kedudukan suami yang mengatasi perempuan, cuma di segi idealnya kedudukan fizikal mereka diambilkira.

Perempuan dianggap sebagai lambang maruah, suci dan indah. Oleh itu, jika mereka melakukan sesuatu perkara yang tidak baik, mereka dianggap sebagai tidak tahu adat. Maka semua sukunya menanggung malu akibat dari perlakuannya. Disebabkan itu juga maka adat menjaga dan mendidik mereka menjadi manusia yang sebaiknya dan terpelihara kedudukan mereka. Mereka juga dianggap sebagai penyambung zuriat dan bakal menambah serta memulakan keturunan dalam suku atau perut. Oleh sebab itu, maka mereka memang patut menerima pusaka lagipun dalam banyak keadaan anak perempuan lebih mementingkan keluarga dan mereka lebih peka pada kesusahan serta penderitaan keluarga. Mereka merasa bertanggungjawab membela dan memberi perlindungan pada keluarga dan merasakan mereka menjadi tempat bergantung ibu bapa bila tua nanti. Begitu juga, bila perceraian berlaku, biasanya anak-anak diserahkan pada mereka dan walaupun mereka ditakdirkan berkahwin lain, anak-anak tetap bersama mereka. Oleh itu, dengan adanya harta pusaka tersebut mereka dapat meneruskan hidup sekalipun ditakdirkan dimadu atau ditinggalkan sendirian. Tanpa perempuan dalam sesuatu keluarga maka keluarga itu terputus begitu saja, jadi untuk menjamin penerusan keluarga dan suku ini, adat berkedim diadakan.

Sebenarnya tanah pusaka yang diwarisi oleh mereka adalah tanah pusaka yang diperolehi dari turun temurun yang mana tanah itu tidak luas dan tidak bertambah. Tanah ini tidak akan dicampuradukkan dengan tanah sepercarian kerana mereka mahu mengekalkan tanah-tanah adat dan tidak mahu terhapus. Tanah tersebut akan menjadi unit-unit kecil setelah berlaku perwarisan harta secara terus-menerus dari satu generasi kepada generasi yang lain. Tambahan pula kedudukannya yang tidak berkembang, maka penambahan penduduk dari masa ke semasa menyebabkan kedudukannya lebih kecil dari asal.

Pemilikan itu tidaklah secara total tanpa memikirkan kepentingan kaum lelaki mereka kerana dari segi praktiknya saudara-saudara lelaki mereka tetap berhak atas tanah tersebut dengan membenarkan mereka tinggal dan melaksanakannya (life occupancy) cuma dari segi haknya perwarisan mereka tidak boleh dipertikai. Tambahan pula anak perempuan biasanya tinggal menetap sedangkan anak lelaki selalu merantau maka tanah tersebut diberikan pada anak perempuan. Bagaimanapun anak lelaki masih berhak ke atas tanah carian ibu bapa mereka.

Semua perempuan dalam adat Perpatih akan memiliki atau bakal memiliki tanah sawah atau tanah kampung dan dengannya mereka akan menjalankan kegiatan bersawah padi, bercucuk tanam atau sebagainya. Mereka mempunyai sumber kewangan sendiri dan mempunyai organisasi ekonominya, mereka tidak perlu bimbang tentang masa depan mereka.

Berkenaan dengan pemilikan harta hanya tanah adat dan tanah pusaka saja yang menjadi milik suku, ia diturunkan dari ibu bapa kepada anak perempuan saja iaitu tanah-tanah tersebut didaftarkan atas nama anak perempuan. Biasanya kebun getah menjadi milik anak lelaki kerana ia tidak tergolong dalam tanah adat dan pusaka. Lazimnya tanah adat digunakan untuk bersawah padi saja dan jarang digunakan untuk tujuan berkebun getah. — Tanah-tanah ini akan dibahagikan mengikut faraid, biasanya jika tanah itu kecil anak perempuan akan menjual bahagiannya pada saudara lelakinya kerana merasakan tindakan itu lebih praktikal memandangkan kaum lelaki tidak boleh mewarisi harta pusaka dan adat.

Tanah adat tidak boleh dijualbeli kecuali dalam suku mereka sendiri. Ini dilakukan supaya tanah itu tidak berpindah ke tangan orang lain dan yang lebih penting supaya tanah itu terus terpelihara.

Walaupun keistimewaan diberi kepada perempuan namun dalam perkara yang berkaitan dengan perkahwinan, suami tetap berkuasa dan menjadi ketua keluarga serta memutuskan semua perkara penting dalam keluarganya kecuali yang menyentuh tentang adat dan kedudukan isterinya. Dalam hal ini, suami akan meminta buah fikiran isterinya, kadang-kadang keputusan isterinya mempengaruhi keputusan suami. Ini mungkin terjadi kerana suami merasa rendah diri dan menyedari hidupnya

menumpang dalam suku isteri, hingga mendorongnya untuk lebih bertimbangrasi dalam membuat keputusan. Mengikut adatnya, semua itu tidak membuatkan isteri lebih tinggi kedudukan dari suami.

Zaman tradisi, perempuan tidak diberi pendidikan yang sempurna, mereka tidak dibenarkan ke sekolah, jauh sekali dibenarkan mempelajari bahasa asing. Pendirian kolot orang tua mereka menjadikan mereka mangsa keadaan ketika itu dan mungkin juga kerana kelaziman ketika itu maka mereka tidak menyedari kepentingan pelajaran bagi diri mereka dan generasi mereka akan datang. Mereka hanya dididik bagaimana menjadi isteri yang baik, diajar cara-cara mengendalikan urusan rumahtangga yang mana pada pendapat golongan tua berumahtangga adalah merupakan kemuncak hidup bagi seorang perempuan.

Kedudukan perempuan dalam adat Perpatih sama juga dengan kedudukan perempuan dalam masyarakat lain kecuali kedudukan istimewa mereka seperti yang telah dijelaskan. Tanggungjawab mereka sebagai perempuan dalam keluarga sebagai anak, isteri dan ibu mahupun tanggungjawab mereka dalam masyarakat sebagai pendidik atau dalam berpersatuan dilakukan sebaik mungkin seperti kelaziman yang dilakukan oleh orang lain.

4.2 Pandangan Masyarakat Terhadap Adat Perpatih

Dalam membicarakan persoalan mengenai adat Perpatih, setiap orang mempunyai penilaian tersendiri dan sudah pasti ia mewujudkan satu fenomena yang menarik mengenainya. Secara jujurnya, ramai masyarakat luar membuat tanggapan yang negatif terhadap adat Perpatih tanpa mengetahui mengapa adat berkehendak demikian. Sebelum membuat apa-apa rumusan mengenainya adalah lebih adil jika seseorang memahami dahulu tentang nilai dan pemikiran masyarakat Perpatih terhadap sesuatu adat yang diamalkan.

Setiap masyarakat mempunyai sistem nilai yang berlainan, salah tafsir mengenainya boleh membuatkan satu pentafsiran yang tidak adil. Nilai adalah fikiran, tanggapan dan konsep tertentu yang dikatakan 'level of the mind', dalam erti kata lain yang menjadi penggerak kelakuan adalah nilai.

Penilaian tentang pro dan kontra mengenai adat Perpatih ini tidak saja datangnya dari masyarakat luar malah masyarakat Perpatih sendiri sedar tentang wujudnya ketidakselarasan adat Perpatih dalam kehidupan mereka sama ada dalam kegiatan sosial atau agama khasnya. Di sini akan wujud percanggahan pendapat iaitu sebahagian daripadanya menganggap agama adalah sebagai fenomena yang meliputi keseluruhan hidup mereka. Ketetapan agama

dilihat sebagai aturan hidup melibatkan perlakuan mereka sehari-hari yang perlu diikuti. Mereka melihat hukum syara^c dan adat sebagai satu, perlu seiring untuk menjalin kehidupan dunia dan akhirat, ia tidak boleh dipisahkan seperti kata perbilangan bahawa:

ibarat cermin yang tidak kabur,
ibarat pelita yang tidak padam.

dan memandang agama sebagai:

ibarat suluh yang terang,
ibarat cahaya yang menerangi gelap gelita.

Manakala sebahagian lagi menganggap agama sebagai institusi yang wujud dalam kehidupan mereka yang di dalamnya terkandung perlakuan ibadat semata-mata. Mereka melihat agama dan adat sebagai terpisah dari segi kepentingan amalannya untuk dunia dan akhirat. Mereka mahu terus menegakkan adat tanpa memikirkan kepentingan yang mungkin wujud melalui agama atau kadang-kadang sengaja tidak mahu memikirkannya sebab dengannya akan memaksa mereka memilih antara agama dan adat. Ini bukan bermakna mereka mengabaikan Islam atau sengaja mahu membelakangkan Islam namun ia lahir akibat dari nilai dan pemikiran yang telah dibentuk begitu sejak dulu. Lagipun, adalah menjadi kebiasaan bagi masyarakat Melayu, selalunya terdiri dari orang-orang Islam yang kuat beragama tapi mereka tidak pernah mengambil serta

mengamalkan semua hukum Islam kerana kadangkala mereka mengikut hukum Islam dan kadangkala mereka memelihara suatu adat tanpa ketahui yang mana satu.¹ Mereka hanya mengikut ajaran secara tradisi tanpa memahami lebih mendalam mengapa perlu mereka berbuat begitu.

Ada juga penulis-penulis seperti Nordin Selat, M. Nasroen, Abdullah Siddik dan beberapa orang lagi cuba pertahankan adat dan menafikan wujudnya pertentangan antara keduanya bahkan ia saling melengkapi satu sama lain. Adat dan syarat bukan saja isi mengisi dan menguat-menguat satu sama lain tapi juga berdampingan menurut keadaan.² Adat menyuruh meninggalkan keburukan dan syara^c menyuruh berbuat kebaikan dan buang keburukan kata adat:

Adat bersendikan hukum,
hukum bersendikan kitabullah,
kuat adat tak gaduh hukum,
kuat hukum tak gaduh adat,
ibu hukum muafakat,
ibu adat muafakat.

Apabila ada aturan adat yang baik dan beri manfaat pada anak-anak buah serta tidak bertentangan dengan

¹Othman Ishak, Hubungan Antara Undang-Undang Islam Dan Undang-Undang Adat, Dewan Bahasa dan Pustaka, Kuala Lumpur, 1982, hlm. 95.

²Abdullah Siddik, Pengantar Undang-Undang Adat Malaysia, Universiti Malaya, Kuala Lumpur, Universiti Malaya, 1975, hlm. 8.

syara^C maka ia boleh diamalkan dan dikekalkan. Jika ada aturan adat maka tentu ada aturan hukum syara^C. Syara^C dan adat saling bergandingan. Kata perbilangan:

Adat berpanas, syara^C berlindung,
 syara^C menyata, adat memakai,
 adat dan syara^C saling sandar-menyandar,
 ibarat aur dengan tebing,
 adat bersendikan syara^C,
 syara^C bersendikan kitabullah.

Bagi golongan yang mempertahankan adat, mereka menganggap adat sebagai pembela nasib kaum perempuan dengan adanya sistem pembahagian harta pusaka mengikut adat. Mereka memegang teguh mempertahankan pemilikan tanah ke atas kaum perempuan, bagi mereka jika dibuang kelaziman itu maka runtuhlah adat seperti mengikut kata perbilangan, dicabut mati, begitu juga nasab keturunan kepada ibu jika diubah akan lenyaplah adat. Tidak diketahui sejauhmanakah keikhlasan kaum lelaki dalam penerimaan sistem perwarisan pusaka kerana dalam masa yang sama mereka juga mengakui tentang wujudnya pertentangan adat dengan Islam, yang pastinya mereka setuju ia sebagai satu cara memelihara kepentingan kaum perempuan mereka. Melaluinya amat jarang kedengaran tentang berita kaum perempuannya hilang tempat bergantung, hidup terbiar, melakukan maksiat semata-mata kerana wang atau kehidupan yang tidak terpelihara. Kebanyakan mereka setuju dengan tindakan adat yang memelihara kepentingan perempuan namun jika dilihat

BIBLIOGRAFI

- Abd. Rahman bin Haji Mohammad. 1964. Dasar-Dasar Adat - Perpatih. Kuala Lumpur: Pustaka Antara.
- Abdullah Siddik. 1975. Pengantar Undang-Undang Adat Malaysia. Kuala Lumpur: Universiti Malaya.
- Amir M.S. 1985. Tonggak Tuo Budaya Minang. Jakarta: C V Karya Indah.
- Amran Kasimin. 1989. Istiadat Perkahwinan Melayu. Satu Kajian Perbandingan. Kuala Lumpur: Dewan Bahasa dan Pustaka.
- A. Samad bin Idris. 1974. Kemurniaan Di Dalam Adat Perpatih. Kertas Kerja Seminar Persejarahan Dan Adat Perpatih. Majlis Belia Negeri, Negeri Sembilan. 9-12 April.
- Azizah Kassim. 1969. Kependudukan Wanita Dalam Masyarakat Melayu Beradat Perpatih di Negeri Sembilan. Tesis untuk Ijazah Sarjana Sastera Di Jabatan Pengajian Melayu, Universiti Malaya.
- Azizah Ujang. 1984. Perbilangan Adat Perpatih, Penilaian Dari Segi Etik dan Estetika". Latihan Ilmiah. Jabatan Persuratan Melayu. Universiti Kebangsaan Malaysia, Bangi.
- Ismail Hamid. 1988. Masyarakat Dan Budaya Melayu. Kuala Lumpur: Dewan Bahasa dan Pustaka.
- Mansur bin Haji Jamaluddin. 1974. Konsep Harta Dalam Sistem Adat Perpatih. Kertas Kerja Seminar Persejarahan Dan Adat Perpatih. Majlis Belia Negeri, Negeri Sembilan. 9-12 April.
- M. Rasyid Manggis DT. Radjo Panghoelo. 1970. Negeri Sembilan, Hubungannya Dengan Minangkabau. Jakarta: al-Maktabah al-Sa^Cdiah.

Mokhtar Haji Md. Dom. 1977. Adat Perpatih Dan Adat-Istiadat Masyarakat Malaysia. Kuala Lumpur: Federal Publication.

Nadzan Haron. 1992. Sistem Perwarisan Tanah Dalam Adat Perpatih. Kertas Kerja Seminar Warisan Perpatih. Universiti Kebangsaan Malaysia, Bangi.

Nathan J.E. dan R.O. Winstedt. 1920. Johol, Inas, Ulu Muar, Jempol, Gunung Pasir, Ana Terachi. Papers on Malay Subject. Culcutta: The Baptist Mission Press.

Norazit Selat. 1982. Konsep Pusaka Di Dalam Adat Perpatih, satu catatan ringkas. Purba. Bil. 1

Nordin Selat. 1982. Sistem Sosial Adat Perpatih. cet.2. Kuala Lumpur: Utusan Melayu Berhad.

Norhalim bin Haji Ibrahim. 1992. Sistem Sosial Adat Perpatih. Kertas Kerja Seminar Warisan Perpatih. Universiti Kebangsaan Malaysia, Bangi. 11-13 September.

. 1992. Adat-Istiadat Dalam Adat Perpatih. Kertas Kerja Seminar Warisan Perpatih. Universiti Kebangsaan Malaysia, Bangi. 11-13 September.

. 1988. Kesesuaian Adat Perpatih Dan Cabaran Masa Kini. Kertas Kerja Seminar Adat Perpatih. Universiti Kebangsaan Malaysia, Bangi. 17-18 September.

. 1984. Sistem Masyarakat Negeri Sembilan. Kertas Kerja Seminar Kebangsaan Adat Perpatih Dan Wilayah Budaya Negeri Sembilan. Universiti Pertanian Malaysia, Serdang.

Othman Ishak. 1979. Hubungan Antara Undang-Undang Islam Dan Undang-Undang Adat. Kuala Lumpur: Dewan Bahasa dan Pustaka.

Shamsul Amri bin Baharuddin. 1992. Sistem Politik Dan Ekonomi Adat Perpatih. Kertas Kerja Seminar Warisan Perpatih. Universiti Kebangsaan Malaysia, Bangi. 11-13 September.

Talib bin Md. Seh. 1990. Adat-Istiadat Dalam Naning.
Kertas Projek Serdang. Universiti Pertanian
Malaysia, Serdang.

Teuku Iskandar, Dr.. (penys.). 1984. Kamus Dewan.
Kuala Lumpur: Dewan Bahasa dan Pustaka.

Zainab Yahya. 1983. "Titik Menilik Di Kalangan
Masyarakat Melayu: Satu Kajian Kes Di Tanjung
Bidara, Pulau Tiga, Parit, Perak. Latihan
Ilmiah. Tahun Kepujian Di Jabatan Persuratan
Melayu, Universiti Kebangsaan Malaysia.

LUAK JOHOL

Undang : Datuk Johan Pahlawan Lela Perkasa Setiawan

Bakal Undang : Datuk Baginda Tan Mas

Suku : Biduanda

<u>Suku</u>		<u>Jumlah Perut</u>	<u>Gelaran Lembaqa</u>
(i)	1. Biduanda Gempa	3	Datuk Gempa
	2. Biduanda Menteri	3	Datuk Menteri
	3. Biduanda Mendatang	3	Datuk Raja Balang
	4. Biduanda Jenang	3	Datuk Jenang *(1)
(ii)	5. Semelenggang/Sri Melenggang.	4	Datuk Andika
(iii)	6. Tiga Batu	5	Datuk Baginda Raja *
(iv)	7. Mungkal	4	Datuk Raja Senara
(v)	8. Paya Kumbuh	1	Datuk Seri Maharaja
(vi)	9. Selemak/Sri Lemak Minangkabau	1	Datuk Paduka Besar
	10. Selemak Pahang	1	Datuk Sinda Maharaja

Nota

* Orang Besar Balai

(1) Ketua Suku Biduanda

Sumber: Nathan, J.E & R.O. Winstead, "Johol, Inas, Ulu Muar, Gunung Pasir and Terachi", PMS, 1920, hlm. 16-27.

TEMUBUAL

- Abd. Razak bin Wahab. 1992. Penduduk Kampung Nuri, Johol, Negeri Sembilan. Temubual 19 September.
- Bador bin Samad. 1993. Penduduk Kampung Nuri, Johol, Negeri Sembilan. Temubual 2 Februari.
- Borhan bin Ibrahim. 1992. Penduduk Kampung Tanggai, Johol, Negeri Sembilan. Temubual 12 September.
- Che' Mat bin Hassan. 1992. Penduduk Kampung Bukit Istana, Johol, Negeri Sembilan. Temubual 12 September.
- Isa bin Haji Abd. Manaf. 1993. Penduduk Kampung Kuala Johol, Negeri Sembilan. Temubual 1 Februari.
- Ibrahim bin Bador. 1992. Penghulu Johol. Pejabat Daerah Kuala Pilah, Negeri Sembilan. Temubual 3 Disember.
- Layar bin Atong. 1992. Penduduk Kampung Inas, Johol, Negeri Sembilan. Temubual 4 Disember.
- Mariam binti Borhan. 1992. Penduduk Kampung Lending, Johol, Negeri Sembilan. Temubual 12 September.
- Mohd. Nor bin Yaacob. 1992. Ketua Kampung Air Mawang, Johol, Negeri Sembilan. Temubual 27 November.
- Napsiah binti Md. Din. 1992. Penduduk Kampung Nuri, Johol, Negeri Sembilan. Temubual 30 November.
- Osman bin Meda. 1992. Penduduk Kampung Nuri, Johol, Negeri Sembilan. Temubual 30 November.
- Yassin bin Piotot. 1992. Penduduk Kampung Simat, Johol, Negeri Sembilan. 19 September.